

სატენდერო დოკუმენტაცია
სავიზიტო ბარათების შესყიდვა
ელექტრონული ტენდერის საშუალებით
(კლასიფიკატორის დანაყოფი 30100000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

ქ. თბილისი
2016 წელი

სარჩევი

<u>ინსტრუქცია ელექტრონულ ტენდერში მონაწილეობის მისაღებად</u>	3
<u>1. ტენდერში მონაწილეობის უფლება</u>	3
<u>2. ტექნიკური დოკუმენტაცია</u>	3
<u>3. საკვალიფიკაციო მონაცემების დამადასტურებელი დოკუმენტები</u>	4
<u>4. შესყიდვის ობიექტის ტექნიკური და ხარისხობრივი პარამეტრები</u>	4
<u>5. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:</u>	5
<u>სახელმწიფო შესყიდვების შესახებ ხელშეკრულების პროექტი</u>	6
<u>დანართი N1</u>	10

ინსტრუქცია

ელექტრონულ ტენდერში მონაწილეობის მისაღებად

1. ტენდერში მონაწილეობის უფლება

- 1.1. ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

2. მოთხოვნები, რომელსაც უნდა აკმაყოფილებდეს მიმწოდებელი ტენდერში მონაწილეობის მისაღებად

- 2.1. მიმწოდებელს უნდა გააჩნდეს ანალოგიური საქონლის მიწოდების გამოცდილება უკანასკნელი ერთი წლის განმავლობაში.

3. ტექნიკური დოკუმენტაცია

- 3.1. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:
 - ინფორმაცია ანალოგიური საქონლის მიწოდების შესახებ უკანასკნელი ერთი წლის განმავლობაში;
 - პრეტენდენტის სრული რეკვიზიტები (დასახელება, იურიდიული და ფაქტიური მისამართი, ხელმძღვანელის თანამდებობა, სახელი და გვარი, ტელეფონის ნომერი, ელ. ფოსტის მისამართი, საბაკო რეკვიზიტები);
 - ფასების ცხრილი დანართი N1-ის მიხედვით.
- 3.2. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაცია და სატენდერო წინადადების ფასი) წარდგენით პრეტენდენტი ავტომატურად ადასტურებს, რომ შესყიდვის განხორციელების მთელი პერიოდის განმავლობაში, იგი იმოქმედებს „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და გამოხატავს თანხმობას ამ პუნქტის „ა“-„f“ ქვეპუნქტებში განსაზღვრულ და სახელმწიფო შესყიდვების ხელშეკრულების პროექტის მოთხოვნებზე.
 - a) სატენდერო წინადადებით შემოთავაზებული საქონელი და მისი მიწოდების პირობები სრულად უნდა შეესაბამებოდეს მე-5 პუნქტში მოცემულ მოთხოვნებს;
 - b) პრეტენდენტის მიერ წარმოდგენილი ტექნიკური დოკუმენტაციის თითოეული დოკუმენტი დამოწმებული უნდა იყოს უფლებამოსილი პირის ხელმოწერით და ბეჭდით (მისი არსებობის შემთხვევაში).
 - c) ტექნიკური დოკუმენტაცია შეიძლება წარმოდგენილი იყოს, როგორც ქართულ, ისე უცხოურ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული თარგმანი ქართულ ენაზე.
 - d) ფაქტიურად მიწოდებული საქონლის ღირებულების ანაზღაურება მოხდება არაუგვიანეს 10 (ათი) სამუშაო დღისა შესაბამისი მიღება-ჩაბარების აქტის გაფორმებიდან და საგადახდო დოკუმენტების (ანგარიში, ფაქტურა, ინვოისი) წარმოდგენიდან (იმისდამხედვით, რომელი უფრო გვიან მოხდება).

- e) სატენდერო წინადადების ფასი უნდა მოიცავდეს ამ ტენდერით გათვალისწინებული საქონლის სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;
- f) იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით ან კალკულაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. საექსპერტო დასკვნის შემთხვევაში აუცილებელი იქნება ექსპერტის/აუდიტორის უფლებამოსილების დამადასტურებელი დოკუმენტების წარმოდგენა.
- g) აღნიშნული დასაბუთების წარუდგენლობა ან შეუსაბამობა სატენდერო განცხადებასთან, სატენდერო დოკუმენტაციასთან ან/და სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე
- h) პრეტენდენტს არა აქვს უფლება წარმოადგინოს ალტერნატიული წინადადება.

4. საკვალიფიკაციო მონაცემების დამადასტურებელი დოკუმენტები

- 4.1. საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

5. შესყიდვის ობიექტის ტექნიკური და ხარისხობრივი პარამეტრები

- 5.1. შესასყიდა შემდეგი სახის და რაოდენობის საქონელი:

N	დასახელება	განზ. ერთეული	რაოდენობა (კომპლექტი)
1	სავიზიტო ბარათები	კომპლექტი (100 ცალი)	150

- 5.2. მასალა: ქაღალდი, თეთრი „ტილო“, არანაკლებ 300გრ.

- 5.3. ზომები: 90მმ X 50მმ.

- 5.4. კომპოზიცია: ჰორიზონტალური.

- 5.5. ბეჭდვა:

- ორმხრივი, შოლკოგრაფია. ერთი მხარე ქართულენოვანი, მეორე - ინგლისურენოვანი;
- ერთფეროვანი (შავი გამოსახულება თეთრ ფონზე).

- 5.6. სავიზიტო ბარათზე დატანილი უნდა იყოს:

- საქართველოს ეროვნული ბანკის ლოგო და დასახელება;
- საქართველოს ეროვნული ბანკის საფოსტო და ვებ-გვერდის მისამართები;
- პიროვნების სახელი, გვარი;

- პიროვნების თანამდებობა;
 - საკონტაქტო რეკვიზიტები: სამსახურეობრივი ტელეფონი, ფაქსი, მობილური ტელეფონი, ელექტრონული ფოსტის მისამართი.
- 5.7. ბარათის საბოლოო დიზაინი შეთანხმებული უნდა იყოს შემსყიდველთან.
- 5.8. ბეჭდვის ხარისხი უნდა აკმაყოფილებდეს პოლიგრაფიული ნაწარმის ხარისხის უმაღლეს მოთხოვნებს.
- 5.9. საქონლის მიწოდება მოხდება ეტაპობრივად, შემსყიდველის მოთხოვნების საფუძველზე, ხელშეკრულების დადებიდან 2017 წლის 31 დეკემბრის ჩათვლით.
- 5.10. შემსყიდველს უფლება აქვს არ შეისყიდოს წინამდებარე ხელშეკრულებით გათვალისწინებული საქონლის სრული რაოდენობა.

6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

6.1. სატენდერო კომისიის აპარატის წევრები:

ზურაბ ღონდაძე: ტელ: 2406 369; ელ.ფოსტა: zgongadze@nbg.gov.ge

ნიკოლოზ ჩუხრუკიძე: ტელ: 2406 398; ელ.ფოსტა: nchukhrukidze@nbg.gov.ge

შენიშვნები:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;
2. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის“ დამტკიცების შესახებ“ მოცემულია საიტზე: www.procurement.gov.ge;

სახელმწიფო შესყიდვების შესახებ ხელშეკრულების პროექტი

ხელშეკრულება N

ქ. თბილისი

2016 წელი

შემსყიდველი: ს.ს.ი.პ. „საქართველოს ეროვნული ბანკი“

მისამართი: თბილისი, 0114, სანაპიროს ქ. 2;

საიდენტიფიკაციო კოდი: 203 824 148.

მიმწოდებელი: _____

იურიდიული მისამართი: _____

ფაქტიური მისამართი: _____

საიდენტიფიკაციო კოდი: _____

საბანკო რეკვიზიტები: _____

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება № SPA1600____) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს სავიზიტო ბარათების (შემდგომში „საქონელი“) შესყიდვა ხელშეკრულების პირობების შესაბამისად (CPV კოდი – 30199730).

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებს სებ-ის შესყიდვების და ლოჯისტიკის დეპარტამენტის უფროსი და/ან მის მიერ უფლებამოსილი პირი/პირები.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა ან უხარისხო საქონლის გამოცვლა.

3. საქონლის მიღება ჩაბარების წესი

- 3.1. მიმწოდებელმა საქონლის შემსყიდველისათვის მიწოდება უნდა განახორციელოს ეტაპობრივად, შემსყიდველის მოთხოვნების საფუძველზე, ხელშეკრულების დადებიდან 2017 წლის 31 დეკემბრის ჩათვლით, შემდეგ მისამართებზე: თბილისი, სანაპიროს ქ. 2;
- 3.2. თითოეული მოთხოვნით გათვალისწინებული საქონლის მიწოდებას მიმწოდებელი განახორციელებს 5 სამუშაო დღის განმავლობაში, შემსყიდველის შესაბამისი მოთხოვნიდან.
- 3.3. საქონელი ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

- 3.4. შემსყიდველის მხრიდან 3.3. პუნქტში აღნიშნული მიღება-ჩაბარების აქტის ხელმოწერი პირია სებ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს _____ლარს („ხელშეკრულების ფასი“).
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. მიწოდებული საქონლის ღირებულების გადახდა ხორციელდება უნაღდო ანგარიშსწორების წესით.
- 4.4. ანგარიშსწორება ხორციელდება წინამდებარე ხელშეკრულების 3.3 ქვეპუნქტის შესაბამისად საქონლის მიღებიდან და მიმწოდებლის მიერ სათანადო დოკუმენტაციის (ანგარიში, საგადასახადო ა/ფაქტურა, ინვოისი) წარმოდგენიდან (იმისდამიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.
- 5.2. შემსყიდველს უფლება აქვს არ შეისყიდოს წინამდებარე ხელშეკრულებით გათვალისწინებული მომსახურების სრული მოცულობა.
- 5.3. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ღირებულება ხელშეკრულებით გათვალისწინებული პირობების შესაბამისად.
- 5.4. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.5. მიმწოდებელს უფლება აქვს მიწოდებული საქონლის სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 6.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.
- 6.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.
- 6.4. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოკვეთვის საშუალებით.
- 6.5. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.
- 6.6. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

- 6.7. იმ შემთხვევაში, თუ 6.2 პუნქტით გათვალისწინებული საჯარიმო სანქციების ჯამური ოდენობა შეადგენს ხელშეკრულების ფასის 1%-ს, შემსყიდველი უფლებამოსილია ცალმხრივად გაწყვიტოს ხელშეკრულება მეორე მხარის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 6.1 ან 6.3 პუნქტით გათვალისწინებული სანქციები.

7. ხელშეკრულებაში ცვლილების შეტანა და ხელშეკრულების შეწყვეტა

- 7.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 7.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 7.5. მხარე ვალდებულია 7.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8. დაუძლეველი ძალა

- 8.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 8.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 8.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

9. დავები და მათი გადაწყვეტის წესი

- 9.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

10. ხელშეკრულების მოქმედების ვადა

- 10.1. ხელშეკრულება ძალაში შედის გაფორმების დღიდან და მოქმედებს 2018 წლის 31

იანვრის ჩათვლით.

11. ზოგადი დებულებები

- 11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 11.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 11.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

*(უფლებამოსილი პირის სახელი, გვარი,
ხელმოწერა და თანამდებობა)*

მიმწოდებლის მხრიდან:

*(უფლებამოსილი პირის სახელი, გვარი,
ხელმოწერა და თანამდებობა)*

ფასების ცხრილი

N	საქონლის აღწერილობა	მწარმოებელი კომპანია, წარმოშობის ქვეყანა	განზ. ერთეული	რაოდენობა (კომპლექტი)	ერთეულის ფასი (ლარებში)	საერთო ფასი (ლარებში)
1.	საეიზიტო ბარათები		კომპლექტი (100 ცალი)	150		
ჯამი:						

(პრეტენდენტის დასახელება)

(უფლებამოსილი პირის სახელი, გვარი)

(უფლებამოსილი პირის თანამდებობა)

(უფლებამოსილი პირის ხელმოწერა)

ბ. ა.